



59

103

KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO
PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
Por. br.: 01841358, Mat. br.: 20187646, Općinski sud u Sarajevu, rješenje broj: 065 0 Reg-18-004345
Sjedište: ul. Jaroslava Černija br. 8, tel: 237-655, 447-741; fax: 440-658, www.viksa.ba
Pogon Vodovod tel:532-430, Pogon Kanalizacija tel: 668-260 PDV-IB: 200151950004, ID: 4200151950004

Bosna i Hercegovina
Federacija Bosna i Hercegovine
SKUPŠTINA KANTONA SARAJEVO

Sarajevo, 09.01.2019. god.

N/r predsjedavajućeg Skupštine
gosp. Elmedina Konakovića

Broj: 11 / 19



Predmet: Odgovor na zastupničko pitanje zastupnice Neire Dizdarević
(veza Vaš akt br. 01-05-39559-9/18 od 27.12.2018. god.)

Vašim aktom br. 01-05-39559-9/18 od 27.12.2018. god. dostavili ste nam zastupničko pitanje zastupnice u Skupštini Kantona Sarajevo, Neire Dizdarević, vezano za ugradnju vodomjera u skladu sa Odlukom KJKP „Vodovod i kanalizacija“, koja je donesena u tekućoj godini.

U vezi sa navedenim pitanjem, dostavljamo Vam sljedeću informaciju:

Preduzeće je izvršilo usklađivanje svojih internih propisa sa članom 35. Zakona o zaštiti potrošača u Bosni i Hercegovini („Sl.glasnik BiH“, broj: 25/06) radi rješavanja pojedinačnih zahtjeva za ugradnju vodomjera u zgradama kolektivnog stanovanja, čime se omogućava potrošaču ugradnja pojedinačnog mjerila o svom trošku, a na osnovu projekta o tehničkoj izvodljivosti.

Naime, KJKP „Vodovod i kanalizacija“ d.o.o. Sarajevo je donijelo novi interni akt „Opšta i tehnička pravila za ugradnju pojedinačnih vodomjera u stambenim zgradama“, 1-20-01/18 od 28.11.2018.god,

Davaoc usluge, KJKP “Vodovod i kanalizacija” d.o.o Sarajevo, je omogućio potrošačima ugradnju pojedinačnih vodomjera na osnovu projekta o tehničkoj izvodljivosti, koji i izrađuje i ovjerava ovlašteno stručno pravno ili fizičko lice, u skladu sa čl.35 stav 2. Zakon o zaštiti potrošača u Bosni i Hercegovini.


U Projektu tehničke izvodljivosti za ugradnju pojedinačnih vodomjera u zgradama potrebno je predvidjeti izgradnju nove, zajedničke vertikale u zajedničkim prostorijama zgrade sa odgovarajućim prostorom za ugradnju vodomjerne garniture za svaki stan , tj. unutrašnju instalaciju stana objediniti i izvesti u zajednički prostor u koji se postavlja ormarić sa vodomjernom garniturom, a na ovaj projekat saglasnost daje Davaoc usluge – KJKP “Vodovod i kanalizacija” d.o.o Sarajevo. Takođe, vodomjerna garnitura mora biti izvedena prema tehničkim uputama KJKP "Vodovod i kanalizacija" d.o.o Sarajevo, uz uslov da je davaocu usluge omogućen nesmetan pristup istoj, a vodomjeri koji se ugrađuju moraju biti propisno označeni sa plombom ovlaštene institucije ili imenovane laboratorije za verifikaciju vodomjera, čija godina mora odgovarati godini ugradnje. Propisano je da Korisnik usluge ugrađuju vodomjer sa daljinskim očitanjem sa pratećom elektronikom ili radio modulom koji moraju omogućiti razmjenu podataka sa centralnom bazom KJKP "Vodovod i kanalizacija" d.o.o. Sarajevo.

Obzirom da se radi o vrlo složenoj problematici, u cilju u cilju sveobuhvatnog rješavanja ovog pitanja i dalje ćemo raditi na usaglašavanju svih spornih situacija, kako sa upravnicima stambenih zgrada, tako i sa potrošačima, a sve u zavisnosti od situacije na terenu, pa će tehnička pravila za ugradnju pojedinačnih vodomjera i dalje biti predmet izmjena i poboljšanja.

S poštovanjem,



Direktor /


Azra Muzur, dipl.inž.građ.

Dostavljeno:

- Naslovu,
- Ministarstvu komunalne privrede i infrastrukture,
- a/a